

# **SLUŽBENE NOVINE**

## **KANTONA SARAJEVO**

**Godina XIV – Broj  
14**

**Četvrtak, 30. aprila 2009. godine  
SARAJEVO**

**ISSN 1512-7052**

### **Vlada Kantona**

Na osnovu članova 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo, na 13. sjednici održanoj 23. aprila 2009. godine, donijela je

### **ODLUKU**

#### **O IZMJENAMA I DOPUNAMA ODLUKE O NAČINU OBRAZOVANJA I UTVRĐIVANJA VISINE NAKNADE ZA RAD RADNIH TIJELA KOJE OBRAZUJE VLADA KANTONA SARAJEVO I RUKOVODIOCI KANTONALNIH ORGANA DRŽAVNE SLUŽBE**

##### **I.**

U tački I. stav 2. alineja 1. Odluke o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe ("Službene novine Kantona Sarajevo", broj 4/09), iza riječi u zagradi "Vlada" dodaju se riječi: "na osnovu posebnih propisa", u alineji 2. iza riječi "Vlada" dodaju se riječi: "na osnovu posebnih propisa", a u alineji 3. riječi: "po potrebi ili" brišu se, a iza riječi "propisa" i zareza dodaju se riječi: "uz saglasnost Vlade,".

##### **II.**

U tački II. stav 1. mijenja se i glasi:

"Komisija se može obrazovati radi:

- predlaganja kadrovske imenovanja, odnosno postavljanja po osnovu zakonske obaveze javnog oglašavanja,
- provođenja redovnog godišnjeg popisa stalnih sredstava,
- provođenja postupka javnih nabavki i
- u drugim slučajevima propisanim zakonom."

##### **III.**

U tački III. st. 1. i 2. riječi: "stručna odnosno" brišu se.

#### IV.

U tački V. stav 1. broj i procenat "50%" zamjenjuje se brojem i procentom "25%".

Iza stava 1. dodaje se stav 2. koji glasi:

"Izuzetno, Vlada, na osnovu kriterija iz tačke IV ove Odluke, može utvrditi i drugu visinu naknade za učešće u radu pojedinih komisija od one utvrđene u stavu 1. tačka V ove Odluke."

Raniji st. 2. i 3., brišu se.

U stavu 4., koji postaje stav 2., riječi: "30% iznosa iz stava 1. ove tačke" zamjenjuju se riječima: "10% od iznosa prosječne mjesecne neto plaće iz stava 1. ove tačke."

Stav 5. postaje stav 3.

#### V.

U tački VII. na kraju teksta tačka se zamjenjuje zarezom i dodaju riječi: "a finansiraju se iz sredstava koja uplaćuju korisnici usluga komisije."

#### VI.

Ovlašćuje se Ured za zakonodavstvo Vlade Kantona Sarajevo da utvrdi prečišćeni tekst ove Odluke.

#### VII.

Ova Odluka primjenjuje se od dana objavljivanja u "Službenim novinama Kantona Sarajevo".

Broj 02-05-10531-18/09  
23. aprila 2009. godine  
Sarajevo

Premijer  
**Besim Mehmedić**, s. r.